

GEOMETRIÆ
THEORICO - PRACTICÆ
LIBER TERTIUS
DE RATIONE
SUPERFICIERUM.
ELEMENTUM I.

*De Ratione Superficierum in Parallelis
grammis, Triangulis, & Figuris
similibus generatim.*

DEFINITIONES.

486. *S*i antecedentes plurium rationum termini, sicuti etiam ipsarum, consequentes, nimirum, $\frac{A}{a}, \frac{B}{b}, \frac{D}{d}$ inter se mutuo respectivè multiplicentur, producta $\frac{ABD}{abd}$ dicuntur habere inter se rationem compositam ex illis omnibus datis rationibus.

Corollarium I.

487. Datis ergò quotunque rationibus, solà multiplicatione antecedentium, & consequentium inter se mutuo respectivè, determinabitur ratio ex illis omnibus composita.

Coro-

Corollarium II.

488. Cùm valor rationis sit quotus antecedentis per consequentem divisi (n. 360.), hinc sequitur exponentem rationis compositæ pariter componi ex simplicium rationem exponentibus inter se

multiplicatis. Sic $\frac{a}{b} \times \frac{c}{d} = \frac{ac}{bd}$ exprimit rationum $ac : bd$ ex simplicibus compositam, cuius exponentis componitur ab exponentibus simplicium inter se multiplicatis. Sic ex simplici ratione dupla $4 : 2$, & $9 : 3$ tripla, componitur ratio $36 : 6$ sextupla, cuius exponentis 6 est factum exponentium 2×3 rationum simplicium. Similiter ex ratione $4 : 2$, & $9 : 3$, & $20 : 5$, oritur ratio $720 : 30$, cuius exponentis 24. est factum $2 \times 3 \times 4$.

489. Ratio geometrica cujusvis termini A ad alium quemvis F componitur ex rationibus omnibus intermediis continuè sumptis, quæ oriuntur ex quovis numero terminorum interiacentium. Sic ratio A : F æquatur rationi compositæ A : B, B : C, C : D, D : E, E : F, initio facto in A, & desinendo in F, sumptis terminis intermediis, quot libuerit. Similiter in numeris ratio $36 : 2$ est composita ex $36 : 18$, $18 : 6$, $6 : 12$, $12 : 4$, $4 : 2$. Ratio est, quia intermedii termini in antecedentibus, & consequentibus occurrunt; unde ratio composita ex A : B, B : C, C : D,

C:D, D:E, E:F, eadem est, ac ratio ABCDE:BCDEF, in qua sublatis terminis communibus, remanet ratio A:F composita ex omnibus intermediis.

Corollarium.

490. Hinc duplex sequitur geometria argumentandi ratio, *ex aequo*, ut ajunt ordinatè, & *ex aequo perturbatè*, vel, ut alii loquuntur, *ex aequalitate ordinata*, & *ex aequalitate perturbata*; Nam, si fuerint quotcunque quantitates A, B, C &c., aliæque ipsis numero æquales *a*, *b*, *c* &c. in duplice serie constitutæ, quæ binatim sumptæ, sint in eadem ratione, puta, A:B :: *a*:*b*, & B:C :: *b*:*c*, erit *ex aequalitate ordinata*, ut prima A ad tertiam C in prima serie, ita prima *a* ad tertiam *c* in secunda; hoc est, ratio duarum extremerum ex una parte æqualis erit rationi duarum extremerum ex alia. Ratio pendet ex numero præcedente. Nam ultimæ rationes ex intermediis æqualibus componuntur.

491. Sin autem fuerint quotcunque quantitates A, B, C, aliæque ipsis numero æquales *a*, *b*, *c* in duplice serie constitutæ, quæ binatim sumptæ, sint in eadem ratione: sit autem perturbata earum proportio, nempe A:B :: *b*:*c*, & B:C :: *a*:*b*: erit *ex aequo perturbatè*, ut A prima ad tertiam C in prima serie, ita prima *a* ad tertiam *c* in secunda serie;

hoc

Hoc est, ratio duarum extremarum ex una parte æqualis erit rationi duarum extremarum ex alia. Ratio eadem, quæ numeri præced.

492. Si in ea per multiplicationem compositione rationum, quam definivimus n. 486., contingat, ut rationes componendæ sint invicem similes, seu æquales, ratio composita dici solet unius simplicis duplicata, triplicata &c., pro numero similium rationum componentium. Quare *Ratio duplicata dicitur illa, quæ ex duabus: triplicata, quæ ex tribus: quadruplicata, quæ ex quatuor rationibus æqualibus inter se multiplicatis consurgit*; atque ita deinceps.

Corollarium I.

493. Ratio geometrica, quam habet quadratum unius quantitatis ad quadratum alterius, est duplicata rationis illius, quam habent ipsæ quantitates simplices ad invicem: ratio cuborum triplicata; & sic de reliquis potestatibus, quæ ex æqualium rationum multiplicatione componuntur. Et contra, ratio geometrica, quam habent inter se radices quadratae, cubicæ &c., dicitur subduplicata, subtriplicata &c. rationis potestatum correspondentium.

Corollarium II.

494. Hinc in omni geometrica progressionē rationum æqualium, primus terminus ad tertium habere dicitur ratio-

nem.

nem duplicatam primi termini ad secundum : primus ad quartum habere dicitur rationem triplicatam ; & sic deinceps. Ratio est , quia rationes illæ componuntur (n. 492.) ex omnibus intermediis , quæ æquales sunt inter se.

Corollarium III.

495. Hinc patet , quâ de causâ Euclides rationem compositam definiens ex duabus $a:b$, & $c:d$, jubet , ut fiat consequens primæ rationis b ad novam quantitatem e , uti antecedens secundæ rationis c est ad suum consequens d ; deinde rationem $a:e$ compositam vocans ex duabus prædictis ; quam definitionem ex nostra , quam attulimus n. 486. , statim intelliges. Nam ratio $a:e$ componitur ex rationibus $a:b$, & $b:e$. Atqui ratio $b:e = c:d$ ex hypothesi , Ergò ratio $a:e$ composita est ex rationibus $a:b$, & $c:d$.

Itaque cum Euclides demonstrat. lib. 6. prop. 23. æquiangula parallelogramma habere proportionem compositam ex duabus rationibus , quas duo latera circa unum angulum unius habent ad duo latera circa angulum æqualem alterius , jubet prius , ut duæ illæ rationes laterum continuentur in tribus quantitatibus ; tum demonstrat eam proportionem parallelogramma inter se habere , quam prima quantitas haberet ad tertiam.

S

PRO-

PROPOSITIO I.

496. Theorema *Duo quævis parallelogramma ABCD, MNOP sive similia sint, sive non similia, sunt inter se, uti facta basis in altitudinem respective, nimirum sunt in ratione composita basis ad basim, & altitudinis ad altitudinem*

TAB.

XII.

Fig.

295.

296.

Q,

nimirum,

eorum

basis

in respecti-

vam

altitudinem.

Ergo

sunt

inter

se,

uti

hæc

producta,

sive

in ratione

composita

BC

ad NO,

& AE

ad MQ.

Quod

erat

&c.

Corollarium.

Ergo duo triangula quæcunque BA
C, NMO sunt pariter inter se, uti
producta BC × AE, NO × MQ, ni-
mirum, eorum basis in respectivam al-
titudinem. Sunt enim semisses horum
productorum.

PROPOSITIO II.

497 Theorema. *Parallelogramma ABCD, MNOP, quæ unum angulum uni habent æqualem, & consequen-*

Fig. *ter æquiangula sunt, habent rationem*295. *compositam ex rationibus laterum æqua-*296. *lem angulum continentium; nimirum,**si angulus B=N, erit ABCD: MN**OP::*

OP :: AB × BC : MN × NO. Euclid.
lib. 6. prop. 23.

Demonstratio. Ab æqualibus angulis A & M demittantur perpendicularares A E, MQ super latera BC, NO æqualibus angulis B & N adjacentia. Triangula AEB, MQN erunt & æquangula, & similia.

Ergò AE : MQ :: AB : MN.

Atqui BC : NO :: BC : NO.

Ergò multiplicatis respectivè terminis, habebitur AE × BC : MQ × NO :: AB × BC : MN × NO. Jam verò parallelogrammum ABCD = AE × BC, & parallelogrammum MNOP = MQ × NO. Ergò ABCD : MNOP :: AB × BC : MN × NO. Quod erat &c.

Corollarium.

Neque aliter ratiocinaberis de triangulis, quæ sunt semisses parallelogramorum.

PROPOSITIO III.

498. Theorema. *Parallelogramma similia ABCD, MNOP sunt inter se, uti quadrata laterum homologorum,* TAB. id est, ABCD : MNOP :: $\overline{AB}^2 : \overline{MN}^2$. XII. Euclid. lib 6. prop. 19. Fig.

Demonstratio. Ab æqualibus angulis A & M demittantur perpendicularares A E, MQ in latera homologa BC, NO.

295.
296.

Triangula AEB, MQN æquiangula,
erunt similia; atque hinc.

$$AE : MQ :: AB : MN.$$

Atqui per hyp. parallelogramma AB
CD, MNOP sunt pariter similia. Er-
gò

$$BC : NO :: AB : MN.$$

Multiplicatis itaque inter se antecedentibus,
& consequentibus hujus duplicitis
analogiæ, erit

$$AE \times BC : MQ \times NO :: AB : MN. \\ (\text{n } 395.). \text{ Est autem } AE \times BC = ABCD, \\ & MQ \times NO = MN$$

OP [n. 263.]

$$\text{Ergò } ABCD : MNOP :: AB : MN. \\ \text{Quod erat \&c.}$$

Corollarium.

499. Duo triangula sunt pariter inter
se, uti quadrata \overline{AB}^2 , \overline{MN}^2 , laterum
homologorum, seu in ratione dupli-
ca-
ta eorundem (n. 493.).

PROPOSITIO IV.

500. Theorema. *Similium polygo-
norum superficies ABCDE, MNOP*

TAB. XII. *Q* *sunt inter se, uti quadrata* \overline{AB}^2 ,

Fig. *MN* *suorum laterum homologorum.*

297. Euclid. lib. 6. prop. 20.

298. *Demonstratio.* A duobus punctis F
& R similiter positis respectu suorum
late-

laterum homologorum AB, MN, in duobus polygonis ducantur rectæ ad omnes angulos. Quoniam hæc puncta F & R sunt etiam similiter posita respectu omnium laterum homologorum [n. 460.], triangula AFB, BFC &c. erunt similia triangulis MRN, NRO &c., singula singulis (n. 451.). Ergo per præced. Corol. erunt inter se, ut quadrata laterum homologorum; hoc est, quia AB: MN :: BC: NO :: CD: OP &c., triangula invicem comparata, singula singulis, erunt, ut \overline{AB}^2 , \overline{MN}^2 . Ergo, ut omnium antecedentium triangulorum summa ad summam omnium consequentium, hoc est, polygonum ad polygonum, ita \overline{AB}^2 : \overline{MN}^2 . Quod erat &c.

Corollarium I.

501. Ergo duo similia polygona AB CDE, MNOPQ sunt inter se, uti quadrata \overline{FG}^2 , \overline{RS}^2 , duarum rectarum, quæ terminata sint à punctis similiter positis respectu horum polygonorum.

Nam (n. 455.) AB: MN :: FG: RS.

Corollarium II.

502. Hinc duo polygona similia AB CDEF, MNOPQR, quorum tres anguli eodem modo respondent circum-

S 3

ferentia

TAB.

X.

Fig.

275.

276.

ferentiæ circuli, sunt inter se, uti quæ
drata radiorum.

Nam ductis radiis GC, SO ad res-
pectivos angulos C & O, centra G & S
sunt puncta similiter posita in duobus po-
lygonis (n. 462.), & vertices angulorum
C & O sunt pariter puncta similiter
posita (n. 454.). Ergo AB : MN : : G
C : SO (n. 455.). Atqui per Theor.
polygonum ad polygonum est, ut
 $\overline{AB}^2 : \overline{MN}^2$. Ergo &c. Quod erat &c.

TAB.

Corollarium III.

X.

503. Ergo duo polygona similia A
Fig. BCDEF, MNOPQR circulis in-
scripta, sunt, ut quadrata radiorum.

277.

278. Habent enim ad minimum tres angulos
respondentes circumferentiæ suorum
circulorum.

Corollarium IV.

504. Similiter duo polygona similia
ABCDEF GHI, abcdefghi, quæ
T TAB. tribus lateribus homologis duos circu-
X. los tangent, erunt proportionalia qua-
Fig. dratis radiorum.

280. Nam Ductis radiis KN, kn perpendicularibus ad puncta contactuum N, n, erunt (n. 453.) puncta N, n similiter posita respectu eorundem laterum. Quamobrem (n. 455) AB : ab : KN : kn. Atqui per Theor. polygona similia

funt

sunt inter se uti $\overline{AB}^2 : \overline{ab}^2$. Ergò etiam,
uti, $\overline{KN}^2 : \overline{kn}^2$. Quod erat &c.

Corollarium V.

505. Ergò duo similia polygona circulis circumscripta, radiorum quadratis sunt proportionalia.

Corollarium VI.

506. Circuli sunt inter se, uti quadrata radiorum.

Nam considerari possunt circuli tanquam polygona regularia similia infinitorum laterum, inscripta, vel circumscripta iisdem circulis, in quos desinunt.

ELEMENTUM II.

*De Quadratis, & Figuris similibus in
Triangulo rectangulo invicem
comparatis.*

DEFINITIONES.

507. Quemadmodum, si numerus in seipsum ducatur, productum dicitur quadratum, seu potestas secunda, cum numerus ipse potestas prima, seu radix dicatur; & si quadratum iterum ducatur in suum numerum, factum dicitur cubus, seu potestas tertia: ita, si valor rectæ linea consideretur in certo quodam partium determinatarum numero, in quas intelligatur divisa, quaque vocamus mensuras, puta pedes, hexapedas &c., hæc recta linea appellabi-